

Script of Evening Gojri News Bulletin 01 November 2024 at 1700 Hrs

ایوننگ گو جری نیوز بلیٹن مو رخہ 01 نومبر 2024

یوہ آکا شوانی جموں بے محمد مہارک ماہر تے مشرف عظیمتیں خبر سُنو۔ پہلاں خاص خاص خبر۔

- *1. جموں کشمیر مرکز غے زیر انتظام علاقہ غا لوک اج بڑا جوش تے جذبہ سنگ دیوالی یعنی لو غو تہوار منا رہیا ہیں۔
- *2. وزیر اعظم نریندر مو دی غو کہنو بے کہ ملک سرحدان ور اک انچ زمی ور وی سمجھوتو نہیں کرے گو۔
- *3. وزیر اعظم نریندر مو دی غو کہنو بے کہ بھارت اک قومی سول کوڈ آلے پا سے بدھ رہیو ہے۔ جہیڑو کہ اک سیکولر سول کوڈ ہے۔
- *4. تہواری موسم غے چلتیں ریلوے جموں تیں خصوصی ریل گڈی چلا رہی ہے تے نواں ریلوے ٹکٹ بکینگ غا قوانین وی اج تیں نافذ ہو گیا ہیں۔
- *5. بی جے پی رہنما دیندر سنگھ رانا 59 بہراں غی عمر مانہ اس دُنیا ناہے خیر آبا د کہہ گیا ہیں۔

خبراں غی تفصیل نال پہلاں محمد مہارک ماہر۔

Diwali Jammu

مرکزی زیر انتظام علاقہ جموں کشمیر غا لوک اج دیوالی گا تہوار ناہے بڑا جوش وجذبہ سنگ منا رہیا ہیں۔ جس مانہ دوست برادری تے کمانڈی آپس مانہ مٹھائیں بنڈ غے آپسی بھائی چارہ، ایکتا ناہے برقرار رکھتاں وان دیکھیا گیا ہیں۔ یوٹی غابکھ بکھ شہراں مانہ پٹاخاں تے مٹھائی غی دکاناں ور پہاری بھيڑ دیکھی گئی ہے۔ اس موقعہ ور وزیر اعلیٰ عمر عبداللہ نے دیوالی غاتہوار ور لوکاں ناہے مہارکباد دتی ہے۔

PM Country

وزیر اعظم نریندر مو دی غو کہنو بے جے ہن ملک مانہ اک ایسی سرکار بے جہیڑی سرحدان ور اک انچ زمین ور وی سمجھوتو نہیں کرے گی۔ اُن نے کہیو کہ سرکار غی پالیسی مسلح افواج غا عزم نال جڑی ہیں۔ یاہ گل اُن نے گذشتہ روز گجرات غا کچھ گا کریک علاقہ غا لکی نالہ مانہ بی ایس ایف، بحری تے ہوائی فوج غا جواناں سنگ دیوالی مناتاں وان کہی۔ وزیر اعظم نے مسلح فوج غا عزم تے حوصلہ ناہے سراہتاں وان کہیو کہ فوجیاں نے ہر مشکل حالات مانہ اپنا آپ ناہے ثابت کیو ہے۔ اُن نے کہیو کہ حفاظتی اہلکار ملک غی حفاظت غا سلسلہ مانہ بڑی مشکل تہاراں ور مضبوطی نال کھلا ہیں۔ اُن نے کہیو کہ کچھ غو کریک علاقہ بڑا پیماتہ ور درجہ حرارت تے دوجی ماحولیاتی پریشائیاں غی وجہ تیں مشکل تے دور دراڈو دئے طرح ہے۔ وزیر اعظم نریندر مو دی نے کہیو کہ اپنا وطن غی خدمت کرنو اک اعزازی موقعو ہے۔ وزیر اعظم نے کریک علاقہ مانہ پانی ور ترتی اک گشتی کشتی غو وی دورو کیو تے نال ہی حفاظتی اہلکاراں غے نال مٹھائیں بنڈیں۔ واضع رہ جے وزیر اعظم نریندر مو دی سال 2014 تیں ملک غا بکھ بکھ حصاں مانہ فوجیاں سنگ دیوالی منا رہیا ہیں۔

Diwali Kathua

دیوالی کا موقعہ ور بھگوان رام غو استقبال کرن غا سلسلہ مانہہ ضلع کٹھوعہ مانہہ عقیدت منڈاں نے پوری عقیدت سنگ رگھو ناتھ مندر کٹھوعہ مانہہ 2500 دیا بالن بارے فیصلو کیو ہے۔ مذہبی جوش تے عقیدت سنگ بھریا عقیدت مند ایو دھیا غا رام مندر غا قدماں ور چلیں۔ جس مانہہ 2500 دیاں غو اہتمام کرنو اور رگھوناتھ مندر کٹھوعہ مانہہ بھگوان رام غا مندر مانہہ دیا بالنا شامل ہیں۔ یہ دیا ملک مانہہ تمام مذہبیاں غا بھائی چارہ تے احترام غا سلسلہ مانہہ خوشحالی تے سناتھن دھرم بارے لو دیں گا۔ انہاں نے کہیو جے بھگوان رام تے بڑاں غی عزت، ماں باپ غا نقش قدم ور چلن تے بُرائیاں سنگ لڑن غو پیغام دتو ہے۔ اس موقعہ ور بولتاں واں انیتا کماری نے اس طرح کہیو۔ بیانٹ۔

Udhampur Polioce

ضلع اڈھم پور غا بزرگ مرکزی کلب گا ممبراں نے دیوالی جس نانہہ روشنیاں یعنی لو غو تہوار منیو جائے نانہہ منان خاطر اپنا کہراں مانہہ نہ جا غے اپنی دیوالی غی خوشی غا موقعہ سانجا کرن گا سلسلہ مانہہ اس تہوار نانہہ پولیس اہلکاراں سنگ منان خاطر اڈھم پور تھانہ پُج گیا۔ اس موقعہ ور تھانہ اڈھم پور غا تھانیدار رگھو بیر سنگھ تے مذکورہ تھانہ مانہہ تعینات عملہ تے دوجا افسراں نے ان غو استقبال کیو۔ بزرگ شہریاں نے اڈھم پور غا لوکاں واسطے دیوالی نانہہ پریشانی تیں پاک بنان خاطر امن و امان غی خدمات دین ور پولیس اہلکاراں غو شکریو ادا کیو۔ تے نال ہی اک دوجا نانہہ دیوالی غی مبارکباد دتی اور مٹھائی وی بنڈیں۔ پولیس نے انہاں نانہہ یقین دوايو ہے کہ وے کسی وی ضرورت یاہ پریشانی مانہہ مدد واسطے ہمیشہ تیار رہیں۔ انہاں نے وی اس موقعہ ور شکریو ادا کرتاں واں اس تجربہ نانہہ سانجا کیو کہ اس تہوار غا موسم مانہہ قابلِ قدر تے مددگار محسوس کیو ہے۔ اس موقعہ ور بولتاں واں بزرگ شہری کلب غا صدر مہا دیپ سنگھ جموال تے اک رکن راج گورو نے اس طرح کہیو۔ بیانٹ۔

PM Civil Code

وزیر اعظم نریندر مو دی نے کہیو ہے کہ بھارت اک ملک عوامی ضابطہ آلے پاسے بدھ رہیو ہے۔ جہیڑو اک سیکولر سول کوڈ ہے۔ یاہ گل اُن نے گذشتہ روز گجرات غا کیواڈیا مانہہ راشٹریہ ایکتا دیوس غی تقریب سنگ خطاب کرتاں واں کہی۔ اُن نے کہیو کہ سیکولر سول کوڈ غو حصول امتیازی سلوک نانہہ ختم کرن غی کنجی ہے۔ وزیر اعظم نے کہیو جے اج ہم سارا اک قومی شناخت آدھا ر غی کامیابی دیکھ رہیا ہاں۔ اور دُنیا وی اس ور گل کر رہی ہے۔ اُن نے کہیو کہ پہلاں بھارت مانہہ بکھ بکھ محصولی نظام تھا ور ہم نے اک ملک اک محصول نظام جی ایس ٹی بنایو۔ وزیر اعظم نے اک ملک اک برقی ترتیب غے نال ملک غا برقی شعبہ نانہہ مضبوط کیو ہے۔ تے نال ہی اک ملک اک راشن کارڈ غے ذریعے غریباں نانہہ دستیاب سہولتاں سنگ جوڑیو ہے۔

Omar Exam

وزیر اعلیٰ عمر عبداللہ نے گزشتہ روز اعلان کیو تھو کہ کشمیر خطہ مانہہ 9 ویں جماعت تک گا سالانہ امتحان سردیاں غی چھٹیاں تیں پہلاں نومبر تے دسمبر مانہہ ویں گا۔ یاہ گل اُن نے اک تقریب غے دوران نامہ نگاراں سنگ خطاب کرتاں واں کہی۔ اُن نے کہیو کہ یاہ تبدیلی

والدین تے طلباء غا اک لما چر تیں مطالبہ نانہ پوراں کرے۔ جس سنگ تمام شراکت داراں نانہ راحت لبے گی۔ اُن نے کہیو جے امتحانات بارے ترتیب 9 ویں تک غی جماعتاں واسطے پرانی سکیم ور مڑ آنے گی۔ تے اس بہرے ٹھنڈاں غی چھٹیاں تیں پہلاں امتحان ویں گا۔ اُن نے کہیو کہ 10 ویں، گیا رویں تے با رویں جماعتاں واسطے اجوں طلباء نانہ موجودہ ترتیب ور عمل کرنو وے گو۔ تے اِن جماعتاں با رے اگلے سال فیصلو کیو جائے گو۔ اس موقعہ ور وزیر اعلیٰ عمر عبداللہ نے وزیر تعلیم سکینہ ایتو غو شکریو ادا کیو کہ اُنہاں نے کابینہ ماتہ امتحانی ترتیب ماتہ تبدیلی غی تجویز پیش کی جس نے اُس نانہ فوری طور ور منظور کیو۔

یہ خبر تم آکاشوانی جموں تیں سُن رہیا ہیں خبراں غا باقی حصہ نال مشرف عظیم۔

Special Trains Jammu

تہواراں گا موسم نانہ دیکھتاں واں بھارتیہ ریلوے نے جموں توی توں مخصوص ٹریناں غو اعلان کیو ہے۔ آکاشوانی جموں گا نامہ نگار غے مطابق جموں توی با وڑا، فیسٹویل خصوصی ٹرین 04608 جموں توی توں 30 اکتوبر نانہ با وڑہ واسطے چلے گی جد کہ 4 نومبر نانہ واپس آوے گی۔ اس توں علا وہ با وڑہ توں جموں توی فیسٹول خصوصی ٹرین 04607 با وڑہ توں جموں توی 1 نومبر توں 6 نومبر درمیان چلے گی۔ جہیڑی رات غا 11 بج گے 45 منٹ ور با وڑہ توں چل غے سویرے 3 بج غے 20 منٹ ور جموں توی پُجے گی۔ یہ ٹرین پٹھان کوٹ کینٹ، جلندھر کینٹ، چندگڑھ، امبالہ کینٹ، سہارن پور، لکھنؤ، وارانسی، گایا، دھن باد، آسن بول تے کُجھ دوجا مقام ور رُکے گی۔ اس توں علا وہ اک ہو ر ٹرین شری ماتا ویشنو دیوی کٹڑا تیں کمکھیا بشکار چلے گی جہیڑی جموں توں 6 بج غے 40 منٹ ور چل غے رات غا 9 بجے کمکھیا پُجے گی۔ یہ خصوصی ٹرین جموں توی، پٹھانکوٹ کینٹ، چندی گڑھ، گو رکھ پور، مظفر پور تے کُجھ دوجا مقام ور رُکے گی۔

Railway Special Train

بھارتی ریلوے غی طرفوں تہواراں گا موسم ماتہ بھیڑ نانہ کھٹ کرن غا سلسلہ ماتہ خصوصی ریل گڈیں چلائی جا رہی ہیں۔ ہر سال ریلوے لکھاں مسافراں غی سہولت بارے تہوار غا موسم ماتہ خصوصی ریل گڈیں چلا وے۔ گذشتہ سال غا مقابلہ ماتہ 2 ہزار 8 سو خصوصی ریل گڈیاں ماتہ قابل ذکر اضافو ہووے۔ گذشتہ سال اس موسم غے دوران لگ بھگ 4 ہزار 5 سو خصوصی ٹرین چلائی گئی تھیں۔ آکاشوانی نیوز سنگ گل کرتاں واں صوبائی ریلوے منیجر سکھویندر سنگھ نے کہیو کہ تہوار غے پیش نظر مسافراں واسطے ٹریناں ماتہ غیر محفوظ کو چاں غی تعداد بدھا دتی ہے۔ اُنہاں نے کہیو جے گذشتہ سال غا مقابلہ ماتہ اس بار 123 اضافی جنرل ٹرین چلائی جا رہی ہیں۔

Railway Advance Ticket

بھارتی ریل گڈی غی پیشگی ٹکٹ کٹاں با رے قوانین اج تیں نافذ ہو گیا ہیں۔ ریلوے نے ریل گڈیاں ماتہ پیشگی ٹکٹ مختص کران غا سلسلہ ماتہ موجودہ وقت غی حد نانہ 120 تہاراں تیں کھٹا غے 60 تہاڑا کر دتو ہے۔ ور اس بہرے 31 اکتوبر تک کی گئی تمام بکینگ برقرار ریں گی۔ ریلوے وزارت غے مطابق 60 تہاڑاں غی بکینگ، ونڈوٹکٹاں غی ذخیرہ اندوزی غا امکان نانہ کھٹ کرن تے مسافراں واسطے متی ٹکٹاں نانہ یقینی بنان ماتہ

مدد دے گی۔ وزارت نے کہیو کہ یوہ دیکھیو گیو ہے کہ 60 تیں 120 تہاڑاں غی مدت با رے کیا گیا قریب 21 فیصد تحفظات منسوخ ہو رہیا ہیں۔ تہاڑی چلن آلی گجھ ایکسپریس ریل گڈیں جس طرح تاج ایکسپریس تے گومتی ایکسپریس پیشگی بکینگ غا سلسلہ ماتہ کہٹ ویلہ غی حدود عمل کر تی رہیں گی۔ وزارت نے مزید کہیو کہ غیر ملکی سیلانیان واسطے 365 تہاڑاں غی پیشگی بکینگ غی حد بدستور برقرار ہے۔

Rana Death

بھارتیہ جنتا پارٹی غا سینئر رہنما تے مرکزی وزیر ڈاکٹر جتندر سنگھ غا بھائی، نگروٹہ جموں گا رکن اسمبلی دیویندر سنگھ رانا گذشتہ شام ماتہ ہریانہ غا فریدآباد غا اک نجی ہسپتال ماتہ دم توڑ بیٹھا۔ جت ان غو علاج چل رہیو تھو۔ وے 59 بہراں غا تھا۔ وے اپنی بیوی گنجن رانا اپنی بیٹیاں دیویانی تے کیتیکا تے اپنا بیٹا ادیراج سنگھ ماتہ پچھے چھوڑ گیا ہیں۔ رانا غی موت غو سنتاں ہی جموں علاقہ ماتہ سیاسی رہنماواں سمیت سینکڑاں افراد اُن غی رہائش گاہ ورجم ہو گیا۔ جت مرکزی وزیر جتندر سنگھ وی پُجیا۔ رانا شروع تیں بڑا تاجر رہیا ہیں جہیڑا بعد ماتہ سیاست ماتہ شامل ہواتھا۔ جہیڑا جے جموں ماتہ ڈوگرہ برادری غی اک بھر پور آواز تھا۔ رانا حال ہی ماتہ جموں نگروٹہ توں رکن اسمبلی واسطے منتخب ہوا تھا۔ لیفٹنٹ گورنر منوج سنہا نے رانا غی اچانک موت ورجم ڈونگا دکھ غو اظہار کیو ہے تے کہیو جے ہم نے اک محب وطن تے معزز رہنما ماتہ کھو دتو ہے۔ جہیڑو اجموں کشمیر غا لوکاں غی بھلائی بہتری خاطر پُر عزم تھا۔ اُن نے کہیو جے ہوں اُن گا اہل خانہ تے دوستاں سنگ گہری تعزیت پیش کروں۔ جموں کشمیر غا وزیر اعلیٰ عمر عبداللہ نے وی رانا غی موت ورجم ڈونگا دکھ غو اظہار کیو ہے تے اُن گا اہل خانہ سنگ تعزیت غو اظہار کیو۔ نائب وزیر اعلیٰ سریندر کمار چودھری نے تعزیت غو اظہار کیو تے کہیو جے دیوالی غا اس مبارک تہوار ورجم رانا غی موت اک افسوس ناک خبر ہے۔ اس موقعہ ورجم جری فلاحی سنگت گا صدر محمد امین انجم نے سنگت غی طرفوں ڈونگا دکھ غو اظہار کیو ہے اور سوگوار کنبہ نال ہمدردی جتائی ہے۔

PM Shah Rana

وزیر اعظم نریندر مودی تے اندرونی معاملان گا وزیر امت شاہ نے اج ہی جے پی رہنما دیویندر سنگھ سنگھ رانا غی موت ورجم ڈونگا دکھ غو اظہار کیو ہے۔ اک سوشل میڈیا پوسٹ ماتہ وزیر اعظم نے کہیو کہ اُن غی بے وقت موت صدمہ آلی ہے۔ وزیر اعظم نریندر مودی نے اُن گا کماں ماتہ سراپتاں واکہیو کہ رانا نے جموں کشمیر غی ترقی خاطر تندہی سنگ کم کیو ہے۔ وزیر داخلہ امت شاہ نے کہیو کہی دیویندر سنگھ رانا ہمیشہ جموں کشمیر غا امن تے ترقی واسطے وقف تھو اور اُن نے خطہ غی ترقی ماتہ بے شمار حصو بھایو ہے۔

اس غے نال ہی خبراں غو یوہ بلیٹن ختم ہوؤ۔